



Մ Ա Յ Ր Ա Ք Ո Ւ Ո Ւ Մ

Ռումանահայ թեմի առաջնորդ Բարձրապատիվ Ս. Վազգեն Մ. Վարդապետ Պաճյանի 1948 թվի դեկտեմբերի 20-ի ներկայացրած հայտարարության, ինչպես նաև թեմական Դատական Ատյանի զեկուցագրի համաձայն, Ռումանի հայ եկեղեցու ժխատեր և Պաքըուի ու Յաշի համայնքների այցելու հովիվ Ս. Տաճատ քահանա Մելքոնյանը իր կովասեր և շահամու վարքագծով վարկաբեկում է հայ եկեղեցականի հեղինակությունը, իսկ վերջերս գծովելով թաղական խորհուրդների հետ, փոխանակ խնդիրների լուծումը թեմական խորհրդին հանձնելու, հակառակ եկեղեցու կարգ ու կանոնին, դիմել է Պետական Դատախազության զրպարտիչ անբաստանագիրներով և վարկաբեկել ու նսեմացնել Հայ եկեղեցու հեղինակությունը՝ նա փորձել է ժխտել Հայ եկեղեցու անկախ գոյության իրավունքը Ռումանիայում և նորա իշխանությունը, առաջարկելով ենթարկվել այլ եկեղեցու:

Նկատի առնելով Ազգրտիր Գերագույն Հոգևոր խորհրդի՝ Ռումանահայ թեմից ուղարկված զեկուցագրերի հիման վրա Ս. Տաճատ քահանայի մասին տրված զեկուցումը, 1949 թվի հուլիսի 22-ի Հայրապետական կոնդակով, ի գիտություն հայ ժողովրդյան և ի գործադրություն թեմական հոգևոր իշխանության, Ռումանիո թեմի Ռուման քաղաքի ժխատեր հովիվ՝ Տաճատ քահանա Մելքոնյանը կարգալույծ է արվել:

Իր անվայել ընթացքի և քրեական հանցագործության համար կարգալույծ է արված նույնպես նույն թեմի Բաբգեն քահանա Քերոյանը:



1949 թվի հուլիսի 5-ի Հայրապետական կոնդակով՝ Նոր-Նախիջևանի և Հյուսիսային Կովկասի միացյալ թեմերի առաջնորդական Փոխանորդ է կարգվել Բարձրապատիվ Ս. Կարապետ վարդապետ Ասլամազյանը:

Նորին բարձրապատվությունը հուլիսի կեսերին մեկնել է Նոր-Նախիջևան և մեծ նվիրվածությամբ ու եռանդով ձեռնամուխ է եղել իր պատասխանատու աշխատանքին: Իր պաշտոնավարության այս կարճ ժամանակամիջոցում նա կարողացել է շրջագայել իր թեմերի բոլոր քաղաքներն ու գյուղերը և այցելել հայ համայնքները:

Ս. էջմիածնի Գերագույն Հոգևոր խորհուրդը արձանագրելով այդ մասին իր գոհունակությունն է հայտնում բարձրապատիվ Ս. Կարապետ վարդապետին՝ նվիրված պաշտոնավարության համար:



Ամերիկահայ հայրենասեր Ս. Գավուբճյանը Մայր Աթոռի համար նվիր է ուղարկել ցինկոգրաֆիայի գործիքներ, որոնց կապակցությամբ ամենայն Հայոց Հայրապետը ուղարկել է հետևյալ գրությունը. (բերում ենք քաղվածաբար):

Պատվաժան Տիար Հայկա Գավուբճյան, հաճախ Մայր Աթոռ Ս. էջմիածնի և սիրելի Մեհում՝ ողջույն հայրական և օրհնություն Հայրապետական:

Ամերիկահայ հայրենադարձների երկրորդ կարավանի հետ Ձեր ուղարկած հինգ արկղ ցինկոգրաֆիայի գործիքներն ու կազմածները անկողուստ ու լրիվ ստացանք և նկատի առնելով նրանց նպատակահարմար օգտագործելու անհրաժեշտությունը, նվիրեցինք Պետական Հրատարակչության տպարանին...

Հաղորդելով վերոհիշյալի մասին, հայտնում ենք Մեր գոհունակությունը և շնորհակալությունը Ձեր նվիրատվության համար, միանգամայն վստահ լինելով, որ էջմիածինն ևս, պատեհ ժամանակին, կստանա փոքր ցինկոգրաֆիա...

Շատ ուրախ ենք, որ Դուք ոչ միայն Ձեր սաներով, այլ, ընդհանրապես Հոգեվոր Ընծարանի վիճակով էք հետաքրքրվում: Հոգևոր Ընծարանը այսօր ունի և՛ դրական

և բացասական կողմեր. դրական է՝ ճեմարանի սաների կրթական վիճակը՝ նոցա ներկիրվածությունը Հայրենիքին և Եկեղեցուն, նոցա՝ ճեմարանի հիմնական նպատակին ծառայելու պատրաստակամությունը և այլն: Բացասական է իր տնտեսական խախտումները, որը հետևանք է մի կողմից տպարանի նվիրատու Տիար Մկրտիչ Մարկյանի ցարդ իր խոստումը չկատարելուն, որի հետևանքով Վանքը զրկվեցավ բախտի խոշոր եկամուտից, որ ճեմարանի պահպանության համար կարևոր միջոց կլինեի այսօր, մինչև նորա պահպանության համար հաստատուն հիմքեր կստեղծվեին: Իսկ մյուս կողմից, մեր Առաջնորդներից ոմանք ոչ սրտացավ վերադարձումը են ցուցաբերում ճեմարանի ապահովության գործին: Այս մասին շուտով ընդարձակ շրջաբերական գրություն կուղարկվի նոցա, որի մասին փրագեկ կլինեք Դուք իր ժամանակին...

Մեզ համար, ինչպես և Հոգևոր ճեմարանի բոլոր բարեկամների համար է՛նժ ուրախություն է, որ այս տարի առաջին լսարանի հինգ լավագույն ուսանողներ խնդրամատույց եղան սարկավազ ձեռնադրվելու և Ս. Էջմիածնի միաբան դառնալու: Ի մեծ միջոցառություն Ձեզ պիտի հայտնեմ, որ Ձեր սաներից Մովսես Ղազարյան ձեռնադրվող հինգ սարկավազներից մեկին է: Կան նաև այլ երկու խնդրատուներ, որոնց խնդիրը ընդունել ենք, բայց ձեռնադրվումը հետաձգել ապագային: Նոր ձեռնադրվող սարկավազների նկարը և նոցա մասին փոքր հոդված լույս է տեսել «ԷՋՄԻԱՄՆ» ամսագրում: Սարկավազների ձեռնադրությունը տեղի ունեցավ Ս. Էջմիածնի տոնին:

Հարգանաց ողջունիվ և Տիրավանդ օրհնությամբ՝

ԾԱՅՐԱԳՈՒՅՆ ՊԱՏՐԻԱՐԺ-ԿԱԹՈՂԻԿՈՍ
ԱՄԾՆԱՅՆ ՀԱՅՈՑ



Մայիսի 26-ին, Համբարձման տոնի օրը, Մայր Տաճարում ս. պատարագ մատուցվեց: Ներկա էր Վեհափառ Կաթողիկոսը, ամբողջ միաբանությունը, ճեմարանի աշակերտությունը և հավատացյալների հոծ բազմություն:

Հայրապետական մաղթանքից առաջ Ս. Սահակ Ժ. վարդապետը խոսեց 500 տարի առաջ Հայրապետական Աթոռի տեղափոխության մասին Սաից Ս. Էջմիածին՝ նշելով այդ իրադարձության պատմական նշանակության

և ներկա երկու կաթողիկոսաբանների միջև ստեղծված համերաշխ, սիրով ու եղբայրական գործունեությունը:



Հունիսի 13-ին, Հռիփսիմեանց տոնի օրը, Ս. Հռիփսիմեի վանքում ս. պատարագ մատուցվեց միաբանության, ճեմարանի աշակերտության և հավատացյալ բազմության ներկայությամբ:

Պատարագին էր Մ. Տաճարի դասապետ Տ. Նիկողայոս ավ. քահ. Բալեյանը:



Հունիսի 14-ին ս. Գալիանի վանքում պատարագին էր Մ. Տաճարի դասապետ Տ. Խորեն ավ. քահ. Շուշանյանը, իսկ հունիսի 16-ին Գողակաթի վանքում պատարագին էր Տ. Մկրտիչ քահ. Մկրտչյանը:

Տոնական օրերին, պատմական այդ վանքերում հավաքվել էր հավատացյալների բազմականին մեծ քաղմություն:



Հունիսի 18-ին, Ս. Գրիգոր Լուսավորչի տոնի օրը, Մ. Տաճարում ս. պատարագ մատուցվեց: Սախատոնակին Վեհափառ Հայրապետի հրամանով, հյուսիսային խորանից հասկեց Ս. Գրիգոր Լուսավորչի աջը, որը և դրանից Բջման սեղանի առաջ ի համբույր հավատացյալներին:

Ս. պատարագին Ս. Էջմիածնի նշանակության և կատարած դերի մասին խոսեց Տ. Սահակ Ժ. վարդապետը:

Հունիսի 19-ին, Կաթողիկե Ս. Էջմիածնի տոնի օրը Մ. Տաճարում հանդիսավոր ս. պատարագ մատուցեց զեք. Տ. Կարապետ եպիսկոպոսը, որը Վեհափառ Հայրապետի հրամանով սարկավազության աստիճան շնորհեց ճեմարանի 2-րդ լսարանի ուսանողներից հինգ հոգու:

Ձեռնադրությունից հետո սրբազան հայրը ճառով դիմեց նորընծա սարկավազներին և շնորհավորելով աստիճանները, որոշ պարտականություններ և քարեմաղթություններ արավ:

Ի պատիվ նորընծա սարկավազների, Վեհաբանում, Վեհափառ Հայրապետի ներկայությամբ, հյուրասիրություն տեղի ունեցավ միաբանության և ճեմարանի ուսուցչական կազմի հետ:

Ձեռնադրվող սարկավազներն էին՝ Բաշկի Գևորգյան, Ռուբեն Մարտիրոսյան, Մովսես Ղազարյան, Անդրանիկ Գալեմդարյան և Իգնատիոս Մարտիրոսյան:



Հուլիսի 7-ին, Ս. Սահակ և Մեսրոպ Թարգմանչաց տոնի օրը, Օշականի եկեղեցում ս. պատարագ մատուցեց Ս. Նիկողայոս ավագանի։ Բավելյանը մեծ բազմության ներկայությամբ։

Հետ ավուր պատշաճի ոգեշունչ քարոզ խոսեց Ս. Կարապետ վարդապետ Ասլամազյանը։



Հուլիսի 10-ին, Վեհափառ Հայրապետի օծման շորթորդ տարեդարձի օրը Մ. Տաճարում ս. պատարագ մատուցվեց։ Պատարագիչ էր Ս. Կարապետ վարդապետը։

Հայրապետական մաղթանքի հանդիսադիրն էր Ս. Սահակ Ժ. վարդապետը, որը և մաղթանքից առաջ խոսեց հայ Հայրապետության նշանակության մասին, մի շարք հայրապետների կատարած գործերի և դրվատեց ներկայիս Գեորգ Զ-րդ Կաթողիկոսի կարևորագույն աշխատանքները, որը Վեհափառ Հայրապետի գործունեության թագն ու պսակն են հանդիսանում։

Մաղթանքից հետո հավատացյալները ծընկալող համբույրեցին Վեհափառ Հայրապետի ս. աջն և շնորհավորեցին նրան։

Վեհափառ Հայրապետի հրավիրանող Վեհաբանում տեղի ունեցավ հյուրասիրություն, Վեհափառ Հայրապետի, միաբանության և ճեմարանի ուսուցչական կազմի ներկայությամբ, որտեղ ներկայանալով որոշ բարեմաղթություններ արին Վեհափառ Հայրապետին։



Հուլիսի 22-ին, Վեհափառ Հայրապետը, ուղեկցությամբ Ս. Սահակ Ժ. վարդապետի, մեկնեց Գեղարդայ վանքը։ Սահակ Ժ. վարդապետը տանում էր Ս. Գեղարդը՝ ամառը Գեղարդայ վանքում թողնելու ի համբույր ուխտավորների։

Վանահայր Ս. Եզնիկ վարդապետը, մեծաստանի միաբանության հետ, շտաբատած սպասում էին վանքի դարբասից դուրս, որտեղ Վեհափառ Հայրապետը շուրջառ առնելով, շարականների երգեցողության ու զանգերի դողանշյունով առաջնորդվեց Գեղարդայ վանքը։

Գեղարդայ վանքում հայր Եզնիկի ողջունի խոսքից հետո, Վեհափառ Հայրապետը օրհնեց ամենին։ Միաբանությունը՝ և ուխտավորները արժանացան նորին ս. օծության ս. աշին։

Երեկոյան Վեհափառ Հայրապետը, բավական ուշ, իրեն ուղեկիցներով վերադարձավ Մայր Աթոռ։



Հուլիսի 24-ին, Վարդավառի տոնի օրը, Մայր Տաճարում պատարագիչ էր Սահակ Ժ. վարդապետը, որը և ավուր պատշաճի քարոզ խոսեց։



Հուլիսի 25-ին, Մայր Աթոռ ժամանեցին ՍՍՌՄ կերպարվեստագետների մի խումբ՝ Ստալինյան մրցանակի լաուրեատ ՍՍՌՄ Գեղարվեստական ակադեմիայի պրեզիդենտ Ա. Գերասիմովի գլխավորությամբ, որոնք դիտեցին Տաճարը և թանգարանը։

Իրենց այցելության մասին տպավորություններն արձանագրեցին այցելուների մատյանում։



8-ին օգոստոսի, Վեհափառ Հայրապետը, ուղեկցությամբ Վրաստանի թեմի առաջնորդ Ս. Կարապետ եպիսկոպոսի, մեկնեց Կիսլովոդսկ՝ բժշկության համար։



Սեպտեմբերի, Խաչվերացի օրը, Մ. Տաճարում ս. պատարագ մատուցեց Ս. Խորեն ավագանի։ Քահանա Շուշանյանը։

Երեկոյան ժողովրդի մեծ բազմության ներկայությամբ Տաճարի շուրջը կատարվեց թափոթ։



24-ին սեպտեմբերի, Ս. Գևորգի տոնի օրը, Մայր Տաճարում հանդիսավոր ս. պատարագ մատուցեց գերաշնորհ Ս. Կարապետ արքեպիսկոպոսը, որը և քարոզեց։ Հայրապետական մաղթանքից հետո Վեհաբանում հյուրասիրություն տեղի ունեցավ միաբանության, ճեմարանի ուսուցչական կազմի և հյուրերի համար։

Սեղանին ներկա էր Վեհափառ Հայրապետը։



Սեպտեմբերի 25-ին, Վարդայ խաչի օրը, Մ. Տաճարում ս. պատարագ մատուցվեց։



Հոկտեմբերի 22-ին Մայր Աթոռ ժամանեց Իրանա-Հնդկաստանի թեմի առաջնորդ Ս. Վահան արքեպիսկոպոսը։



Նոյեմբերի 6-ին, Հոկտեմբերյան Սոցիալիստական Մեծ ռեվոլյուցիայի օրը, Մայր Տաճարում հանդիսավոր ս. պատարագ մատուցվեց: Պատարագիչն էր Տ. Մկրտիչ քահանան: Ս. պատարագից հետո, Վեհափառ Հայրապետի գլխավորությամբ, կատարվեց կառավարական մաղթանք: Տաճարը լի էր աղոթողների բազմությամբ:



Ռումինիայի թեմի առաջնորդ Բարձրապատիվ Տ. Վազգեն ծ. վարդապետ Պալճյանի և «Հայաստանյան ճակատ» կազմակերպության

նախաձեռնությամբ, Ռումանիո հայ համատարացյալ համայնքը Երևանում կառուցվող կաթողիկոսական վիլլայի շինության համար նվիրաբերել է երկու հարյուր խորանարդ մետր ատաղձ, որն արդեն ստացվել է Երևանում և հանձնվել գործադրության:



«Էջմիածին» պաշտոնաթերթի հրատարակությունը կանոնավորելու համար նորին Ս. Օծություն հաճությամբ պաշտոնաթերթի խմբագրության մեջ աշխատակցելու համար հրավիրված է պատմական գիտությունների դոկտոր-պրոֆեսոր հայագետ Ա. Աբրահամյանը:

